

KENRO
Jewelers
 Santa Cruz 115-B - Tel: 585-8909 - email: kenrojwl@setarnet.aw

NEW ARRIVALS!!
VALENTINA BAGS
GENUINE ITALIAN LEATHER

Plenchi Juan Portugues

Prome Minister Mike Eman "Famia de Freitas ta un ehempel pa otronan"

ORANJESTAD(AAN): Semper ora hendenan pasa dilanti di Flor di Oriente na Playa, sea den auto of na pia, e ambiente alegre cu ta reina ta contagia nan. E ambiente ey no a di awe ni ayera, pero di

hopi tempo caba y a cuminsa for di tempo cu Joao de Freitas, cariñosamente yama Juan Portugues a start cu su negoshi eynan. Motibo pakico Gabinete Mike Eman a dicidi pa nombra e Plenchi eydi-

lanti na su honor.

Hopi amigo, famia y conoci a yega hunto ey dilanti pa presencia e acto ceremonial aki cu a worde haci door di Prome Minister Eman, Minister Sevinger y yiu di Juan

Portugues Pepi de Freitas. Prome Minister Mike Eman a cuminsa su discurso bisando cu Aruba ta duna testimonio na un caracter importante di nos comunidad.

"Nos a mira di cerca durante decadanan con famia de Freitas a dedica su mes na trece e pueblo hunto. Con semper cu hospitalidad, cariño y amistad famia de Freitas a duna inspiracion y ehempel con un famia por ta un pilar pa un sociedad". Masha aprecio Prome Minister tin pa e forma con famia de Freitas a lanta su yiunan. Pepi y su ruman señora van den Berg-de Freitas kende tabata e prome Gobernadora Interino di pais Aruba, ta ehempelnan di esaki.

"Ora un famia ta asina special pa un pais, ora cu

Juan Portugues por a toca curason di tanto hende, anto e ora ey no tin cuestion di por duda na momento cu e peticion dren-ta pa dedica un luga cu ta marca pa semper historia di e pais aki y contribucion di famia de Freitas na pais Aruba".

Eman tabatin palabra di masha aprecio pa e grupo musical cu semper bay t'ey presente den Flor di Oriente pa deleita tur cu yega eynan cu musica alegre tipico di Aruba. Esaki bou direccion di e maestro musical Etty Toppenberg. Despues a sigui ceremonia di develo di e borchu cu ta indica cu di awor padilanti e Plenchi dilanti di Flor de Oriente y tras di edificio di Corte ta hiba e nomber di Plenchi Juan Portugues.

